



Nezavisni odbor

Broj: 02/12-45-31-5/24
Bihać, 01.08.2024.godine

SKUPŠTINA UNSKO-SANSKOG KANTONA

- O V D J E -

PREDMET: Izvještaj o radu Nezavisnog odbora za period januar-juli 2024.godine,
dostavlja se,-

Nezavisni odbor na sjednici održanoj dana 01.08.2024.godine, razmatrao je Izvještaj o radu Nezavisnog odbora za period januar – juli 2024.godine, a u skladu Zakona o unutrašnjim poslovima Unsko-sanskog Kantona („Službeni glasnik Unsko — sanskog kantona", br. 13/16, 16/17 i 8/24), te predmetni materijal dostavljamo Skupštini Unsko-sanskog na razmatranje.



PREDSJEDAVAJUĆA
NEZAVISNOG ODBORA
Albijana Trnavci dipl.pravnik

IZVJEŠTAJ
o radu Nezavisnog odbora za period januar-juli 2024. godine

Bihać, juli 2024. godine

Na osnovu člana 36. stav (1) tačka g) Zakona o unutrašnjim poslovima Unsko-sanskog kantona („Službeni glasnik Unsko — sanskog kantona“, br. 13/16, 16/17 i 8/24) i člana 10. stav (1) tačka o) Poslovnika o radu Nezavisnog odbora („Službeni glasnik Unsko – sanskog kantona“ broj: 16/24), Nezavisni odbor na sjednici održanoj dana 01.08.2024.godine, Skupštini Unsko-sanskog Kantona podnosi:

IZVJEŠTAJ

o radu Nezavisnog odbora za period januar – juli 2024. godine

I- Uvod

Nezavisni odbor imenovan je Odlukom o imenovanju Nezavisnog odbora Skupštine Unsko-sanskog kantona, broj: 01-02-45-235/23 od 26.12.2023.godine (u daljnjem tekstu: Nezavisni odbor), počeo je sa radom 24. januara 2024.godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu januar-juli 2024.godine obavljao poslove u skladu sa Zakonom o unutrašnjim poslovima Unsko-sanskog Kantona, Zakonom o policijskim službenicima Unsko-sanskog kantona i Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje direktora Uprave policije;
- (2) vrši selekciju i predlaže kandidata za izbor direktora Uprave policije Vladi Kantona koju dostavlja posredstvom ministra;
- (3) prati rad direktora Uprave policije, nadzire primjenu ovlaštenja direktora Uprave policije u rukovođenju Upravom policije u skladu sa Zakona o unutrašnjim poslovima i o tome izvještava Skupštinu;
- (4) predlaže smjenu direktora Uprave policije Vladi Kantona u skladu sa Zakonom o unutrašnjim poslovima;
- (5) vodi prvostepeni disciplinski postupak protiv direktora Uprave i izriče disciplinske sankcije;
- (6) prima, razmatra i postupa po podnesenim žalbama na rad direktora uprave policije;
- (7) usvaja Poslovnik o radu Nezavisnog odbora;
- (8) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (9) sačinjava detaljan tromjesečni izvještaj o radu direktora Uprave policije, koji dostavlja Skupštini Kantona;
- (10) po potrebi saraduje, koordinira po pojedinim predmetima sa Komisijom za sigurnost Skupštine Kantona;

- (11) obavlja druge poslove propisane Zakonom o unutrašnjim poslovima Unsko-sanskog kantona, Zakonom o policijskim službenicima Unsko-sanskog kantona i drugim propisima.

II–Normativni dio

Tokom šestomjesečnog izvještajnog perioda Nezavisni odbor je:

- održao 11 sjednica Nezavisnog odbora.

U vršenju zadataka iz svoje nadležnosti Nezavisni odbor je donosio odluke, zaključke, sačinjavao odgovore, informacije, kao i druge akte iz svoje nadležnosti, te redovno obavještavao javnost o svom radu. Nezavisni odbor je podnio Vladi Unsko-sanskog kantona posredstvom Ministarstva unutrašnjih poslova Odluku sa obrazloženjem prijedloga kandidat za imenovanje direktora Uprave policije Unsko-sanskog kantona, na mandatni period od 4 (četiri) godine od 15.07.2024.godine, pod brojem: 02/12-45-28-4/24.

III - Tematski dio

Tokom izvještajnog perioda Nezavisni odbor je održao konstituirajuću sjednicu kao i 11. redovnih sjednica.

Na konstituirajućoj sjednici izvršen je izbor predsjedavajuće Nezavisnog odbora.

2. sjednica Nezavisnog odbora, održana je dana 24.01.2024. godine u sali Vlade Unsko - sanskog kantona na kojoj su bili prisutni svi članovi Nezavisnog odbora, te je jednoglasno usvojen dnevni red:

1. Usvajanje izvoda iz zapisnika sa konstituirajuće sjednice Nezavisnog odbora;
2. Razmatranje prijedloga Poslovnika o radu Nezavisnog odbora;
3. Informacija o zaprimljenim predmetima u Službi Skupštine iz nadležnosti Nezavisnog odbora;
4. Ostala pitanja.

Na sjednici su iznijete sve primjedbe i sugestije na prijedlog Poslovnika o radu Nezavisnog odbora koje je potrebno ugraditi u tekst predmetnog Poslovnika.

Poslovnik o radu Nezavisnog odbora je usvojen uz primjedbe i sugestije i u skladu sa Zakonom o unutrašnjim poslovima upućen na saglasnost Skupštini Unsko-sanskog kantona.

Također, na drugoj sjednici je Nezavisni odbor upoznat sa materijalima dostavljenim u Službu Skupštine USK-a iz nadležnosti Uprave policije za 2022.godinu i 2023.godinu i zauzet je stav da će se svi ti materijali razmatrati na nekoj od narednih sjednici, a po davanju saglasnosti Skupštine Kantona na Poslovnik o radu Nezavisnog odbora.

3. sjednica Nezavisnog odbora, održana je dana 26.02.2024.godine u prostorijama Vlade Unsko-sanskog kantona na kojoj su bili prisutni svi članovi Nezavisnog odbora te je jednoglasno usvojen dnevni red:

1. Usvajanje Zapisnika sa druge sjednice Nezavisnog odbora;
2. Usklađivanje teksta Poslovnika o radu Nezavisnog odbora sa zaključkom Skupštine USK-a;
3. Informacija o sastanku održanom u Ministarstvu unutrašnjih poslova Unsko-sanskog kantona;
4. Ostala pitanja.

Nakon što je Skupština Kantona istaknula primjedbe i sugestije na tekst Poslovnika o radu Nezavisnog odbora na 3. sjednici je Nezavisni odbor razmotrio Odluku Skupštine o davanju saglasnosti na Poslovnik o radu Nezavisnog odbora, broj: 01/1-2-45-271/24, u kome su navedene primjedbe i sugestije te je iste u potpunosti prihvatio i ugradio u tekst predmetnog Poslovnika.

Na 3. sjednici uvodne informacije iznio je gospodin Damir Smajić, a povodom sastanka u Ministarstvu unutrašnjih poslova Unsko-sanskog kantona o aktivnostima u vezi sa izmjenama i dopunama Zakona o unutrašnjim poslovima USK-a kao i izmjenama i dopunama Zakona o policijskim službenicima USK-a.

4. sjednica Nezavisnog odbora održana je dana 07.03.2024.godine u sali za sjednice Vlade Unsko-sanskog kantona na kojoj su bili prisutni svi članovi Nezavisnog odbora te je jednoglasno usvojen dnevni red:

1. Usvajanje Zapisnika sa treće sjednice Nezavisnog odbora;
2. Prijedlog zaključka o dopuni Poslovnika o radu NO;
3. Razmatranje Informacije Uprave policije MUP-a USK-a broj: 05-04/04-2-30-139/24 od 04.03.2024. godine i Odgovora MUP-a USK-a na poslaničko pitanje, broj: 05-01-45-5/24/AB od 19.02.2024. godine;
4. Ostala pitanja.

Na četvrtu sjednicu bio je pozvan načelnik Sektora kriminalističke policije, odnosno osoba koja obnaša dužnost policijskog komesara Uprave policije, kako bi Nezavisni odbor razmotrio pristigle materijale za 2022/23.godinu zaprimljene u Službi Skupštine. Aktom Uprave policije broj: 05-04/01-17/24 od 07.03.2024.godine navedeno je da rukovodilac Uprave policije neće moći prisustvovati sjednici, zbog ranije dogovorenih obaveza rukovodioca.

Kako po predloženim tačkama dnevnog reda od 2. do 8. nije bilo izvjestioca ispred Uprave policije koji bi materijale prezentirao, Nezavisni odbor je jednoglasno donio odluku da se predmetne tačke ne razmatraju na ovo sjednici, odnosno da se iste povuku dnevnog red i to;

- ✓ Izvještaj o radu Uprave policije MUP-a USK-a za decembar 2023. godine;
- ✓ Izvještaj o radu Uprave policije MUP-a USK-a za 2023. godinu;
- ✓ Informacija o stanju sigurnosti na području USK-a za 2023. Godinu
- ✓ Informacija o stanju sigurnosti saobraćaja na području Usk-a za 2023. godinu;
- ✓ Izvještaj o radu Uprave policije MUP-a Usk-a za januar 2024. godine;

- ✓ Informacija o stanju nasilja u porodici na području Usk-a za januar-decembar 2023. godine;
- ✓ Informacija o stanju sigurnosti od vršnjačkog nasilja u školama na području USK-a za 2023. godinu;

Navedene tačke će se razmatrati na nekoj od narednih sjednica te je usaglašeno da se ponovo pošalje poziv za prisustvo sjednicama predlagaču materijala.

U okviru tačke koja se odnosi na Informaciju Uprave policije MUP-a USK-a broj: 05-04/04-2-30-139/24 od 04.03.2024. godine u kojoj je navedeno na koji način je Jusuf Mešić postavljen na mjesto rukovodioca Uprave policije, odnosno na radno mjesto koje po sili zakona zamjenjuje policijskog komesara, načelnika Sektora kriminalističke policije, kao i na Odgovor MUP-a USK-a na poslaničko pitanje Jusić Nisveta, broj: 05-01-45-5/24/AB od 19.02.2024.godine, u kojem je navedeno da je to Ministarstvo od strane Uprave policije obaviješteno aktom broj: 05-04/04-2-45-5/24 od 08.02.2024.godine da na dan 23.01.2024.godine niti jedan policijski službenik u Upravi policije ne ispunjava uvjete za radno mjesto policijskog komesara.

Imajući u vidu navedeno, članovi Nezavisnog odbora su jednoglasno utvrdili da je sporna činjenica na koji je način sadašnji, privremeni rukovodilac Uprave policije, načelnik Sektora kriminalističke policije postavljen na to mjesto i po kom osnovu obavlja dužnost policijskog komesara.

Nezavisni odbor je jednoglasno donio zaključak:

1. Traži se od Kantonalnog tužilaštva Unsko-sanskog kantona Bihać da u okviru svoje nadležnosti utvrdi da li je imenovano lice, načelnik Sektora kriminalističke policije uopće moglo biti postavljeno na to radno mjesto pa onda dalje i zamjenjivati policijskog komesara, a cijeneći činjenice navedene u Informaciji Uprave policije MUP-a USK-a broj: 05-04/04-2-30-139/24 od 04.03.2024.godine i Odgovoru MUP-a USK-a na poslaničko pitanje Jusić Nisveta, broj: 05-01-45-5/24/AB od 19.02.2024.godine.

5. sjednica Nezavisnog odbora održana je dana 20.03.2024.godine u sali za sjednice Vlade Unsko-sanskog kantona na kojoj su bili prisutni svi članovi Nezavisnog odbora te je jednoglasno usvojen dnevni red:

1. Usvajanje Zapisnika sa četvrte sjednice Nezavisnog odbora, održane dana 26.02.2024.godine;
2. Usklađivanje Poslovnika sa Izmjenama i dopunama Zakona o unutrašnjim poslovima Unsko-sanskog kantona;
3. Izbor zamjenika predsjedavajuće Nezavisnog odbora;
4. Prijedlog Zaključka o zaduženju izrade metodologije za izradu izvještaja;
5. Ostala pitanja.

Nezavisni odbor je jednoglasno utvrdio sljedeće izmjene Poslovnika o radu Nezavisnog odbora, i to:

- sve odredbe Poslovnika o radu Nezavisnog odbora u kojima se navodi riječ „komesar“ zamjenjuje se riječima: „direktor Uprave policije“;
- u članu 13. stav (3) tačka c) mijenja se i glasi: „c) ocjenu rada u posljednje tri godine, ukoliko su pozitivne;“
- u članu 14. riječi: „sa najmanje dva“ se brišu.

- u članu 15. u stavu (1) riječi: „sa imenima dva predložena kandidata se mijenjaju i glase: „sa imenom predloženog kandidata“. Također, isto je potrebno uraditi i u stavu (2) navedenog člana.
- Član 16. se briše.

Potom je jednoglasno izabran zamjenika predsjedavajuće Nezavisnog odbora. Pored toga je usaglašeno da je potrebno urediti metodologiju podnošenje Izvještaja Uprave policije kako bi cjelokupan rad bio transparentnije prikazan. Nezavisni odbor će sačiniti Metodologiju po kojoj bi se radili izvještaji i informacije iz nadležnosti Nezavisnog odbora.

6. sjednica Nezavisnog odbora održana je dana 28.3.2024.godina sa slijedećim dnevnim redom:

1. Usvajanje zapisnika sa sa pete sjednice;
2. Izvještaj o radu Uprave policije za decembar 2023.godinu;
3. Izvještaj o radu Uprave policije Ministarstva unutrašnjih poslova za 2023.godinu;
4. Informacija o stanju sigurnosti na području Unsko-sanskog kantona za 2023.godinu;
5. Informacija o stanju sigurnosti saobraćaja na području Unsko-sanskog kantona za 2023.godinu;
6. Izvještaj o radu Uprave policije Ministarstva unutrašnjih poslova za januar 2024.godinu;
7. Informacija o stanju nasilja u porodicina području Unsko-sanskog kantona januar-decembar 2023.godine;
8. Informacija o stanju sigurnosti od vršnjačkog nasilja u školama na području USK za 2023.godinu;
9. Izvještaj o radu Uprave policije za decembar 2023.godinu;
10. Izvještaj o radu Uprave policije za decembar 2023.godinu.

Na sjednici je prisustvovao ispred predlagača novo imenovani zamjenik direktora policije USK-a gospodin Amel Kozlica. Nakon konstruktivne rasprave Nezavisni odbor nije prihvatio Izvještaje i Informacije prema gore pobrojanom dnevnom redu.

7. sjednica Nezavisnog odbora održana je dana 29.04.2024.godine sa slijedećim dnevnim redom:

1. Usvajanje Zapisnika sa šeste sjednice Nezavisnog odbora, održane dana 28.03.2024.godine;
2. Informacija o stanju maloljetničke delikvencije na području USK-a za 2023. godinu;
3. Izvještaj o radu Uprave policije Ministarstva unutrašnjih poslova Unsko-sanskog kantona za mart 2024. godine;
4. Informacija o stanju sigurnosti na području USK-a, za period januar -mart 2024. godine;
5. Nacrt metodologije za izradu izvještaja;
6. Ostala pitanja.

Nezavisni odbor nije prihvatio Informaciju o stanju maloljetničke delikvencije na području USK-a za 2023. godinu. Nezavisni odbor je prihvatio Izvještaj o radu Uprave policije Ministarstva unutrašnjih poslova Unsko-sanskog kantona za mart 2024.godine te je prihvatio Informaciju o stanju sigurnosti na području USK-a za period januar-mart 2024. godine. Usaglašena je i nacrtana verzija metodologije za izradu izvještaja i informacija iz nadležnosti Nezavisnog odbora.

8. sjednica Nezavisnog odbora održana 27.05.2024. godine sljedećim dnevnim redom:

1. Usvajanje Zapisnika sa sedme sjednice Nezavisnog odbora održane dana 29.04.2024. godine
2. Izvještaj o radu Uprave policije Ministarstva unutrašnjih poslova USK za april 2024. godine
3. Pokretanje procedure izbora direktora Uprave policije Ministarstva unutrašnjih poslova Unsko-sanskog kantona
4. Ostala pitanja

Na 8. sjednici Nezavisnog odbora usvojen je Izvještaj o radu Uprave policije Ministarstva unutrašnjih poslova USK za april 2024. godine te je jednoglasno usvojena Odluka o pokretanju procedure izbora direktora Uprave policije Ministarstva unutrašnjih poslova Unsko-sanskog kantona.

9. sjednica Nezavisnog odbora održana 03.06.2024. godine sljedećim dnevnim redom:

1. Utvrđivanje konkursa/natječaja za izbor direktora Uprave policije Ministarstva unutrašnjih poslova Unsko-sanskog kantona
2. Ostala pitanja

Na 9. sjednici utvrđen je tekst konkursa u skladu sa Zakonom o unutrašnjim poslovima Unsko-sanskog kantona i Poslovníkom o radu Nezavisnog odbora koji će biti objavljen u tri dnevna lista distribuiranim na području BiH i web stranici Skupštine USK.

10. sjednica Nezavisnog odbora održana je dana 10.07.2024. godine sa sljedećim dnevnim redom:

1. Usvajanje Zapisnika sa osme sjednice Nezavisnog odbora, održane dana 27.05.2024. godine;
2. Usvajanje Zapisnika sa devete sjednice Nezavisnog odbora, održane dana 03.06.2024. godine;
3. Izvještaj o radu Uprave policije Ministarstva unutrašnjih poslova Unsko-sanskog kantona za maj 2024. godine;
4. Otvaranje i razmatranje pristiglih prijavi na Javni konkurs/natječaj za izbor direktora Uprave policije Ministarstva unutrašnjih poslova Unsko-sanskog kantona.
5. Ostala pitanja.

Na 10. sjednici usvojen je Izvještaj o radu Uprave policije Ministarstva unutrašnjih poslova Unsko-sanskog kantona za maj 2024. godine, te je izvršeno otvaranje i razmatranje pristiglih prijavi na Javni konkurs/natječaj za izbor direktora Uprave policije Ministarstva unutrašnjih poslova Unsko-sanskog kantona, te je utvrđeno da jedan kandidat ispunjava formalno-pravne uvjete za dalju proceduru izbora direktora Uprave policije MUP USK, koji će biti pozvan na sljedeću sjednicu Nezavisnog odbora zakazanu dana 15.07.2024. godine radi provođenja postupka intervjua.

11. sjednica Nezavisnog odbora održana je dana 15.07.2024. godine sa sljedećim dnevnim redom

1. Usvajanje Zapisnika sa desete sjednice Nezavisnog odbora, održane dana 10.07.2024. godine;

2. Provođenje razgovora sa kandidatom po prijavi na Javni konkurs/natječaj za izbor direktora Uprave policije Ministarstva unutrašnjih poslova Unsko-sanskog kantona.
3. Ostala pitanja.

Nakon što je kandidat izložio Program rada za četverogodišnji mandat za poziciju direktora Uprave policije članovi Nezavisnog odbora su postavili pitanja kandidatu i proveli zakonom propisanu proceduru i na osnovu čega su donijeli Odluku o davanju podrške kandidatu za poziciju direktora Uprave policije. Nezavisni odbor je za kandidata na poziciju direktora Uprave policije predložio kandidata gospodina Amela Kozlicu, te je obrazloženi prijedlog uputio posredstvom Ministarstva unutrašnjih poslova USK-a na odlučivanje Vladi Unsko-sanskog kantona.

IV- Ocjena stanja i postignutih rezultata

Tokom izvještajnog perioda Nezavisni odbor je realizirao zakonom propisane obaveze u skladu sa svojim nadležnostima i redovno održavao sjednice Nezavisnog odbora.

Naime, u izvještajnom period za februar sjednici Nezavisnog odbora nije prisustvovao predlagač materijala ispred Uprave policije zbog čega Nezavisni odbor nije razmatrao materijale pristigle u Službu Skupštine. Imenovanjem zamjenika Uprave policije Nezavisni odbor je uredno izvještavan, te je sjednicama Nezavisnog odbora prisustvovao u ime predlagača materijala zamjenik Direktora Uprave policije.

U izvještajnom periodu Nezavisni odbor je djelovao isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca.

Nezavisni odbor je o svom radu redovno obavještavao javnost, putem sredstava javnog informisanja, te je u cijelosti ispoštovan princip javnosti.

Prema podacima razmatranih izvještaja i informacija Uprave policije, evidentno je poboljšanje sigurnosne situacije u svim segmentima iz nadležnosti Uprave policije, a o čemu će Nezavisni odbor u narednom periodu izvjestiti Skupštinu Unsko-sanskog kantona u tromjesečnom izvještaju rada direktora Uprave policije.

V- Kadrovska i materijalna osposobljenost

U periodu od januar 2024.godine – juli 2024.godine, Nezavisni odbor je obavljao poslove i zadatke iz nadležnosti Nezavisnog odbora u punom sazivu.

Sjednice Nezavisnog odbora održavane su u obezbjeđenoj sali Vlade Unsko-sanskog kantona. Administrativno-tehničke poslove Nezavisnog odbora obavljali su državni službenici uposleni u Službi Skupštine, isti su zaduženi za čuvanje kompletne arhive Nezavisnog odbora.

VI - Programska orijentacija za naredni period

U narednom vremenskom periodu Nezavisni odbor će kontinuirano obavljati poslove utvrđene Zakonom o unutrašnjim poslovima USK, Zakonom o policijskim službenicima i Poslovníkom o radu Nezavisnog odbora, te ostalim pozitivnim propisima sa osnovnim ciljem postizanja još većeg stepena demokratizacije u radu policije, zaštite ljudskih prava i sloboda građana koji žive

ili borave na području Unsko-sanskog kantona, te postizanja što većeg nivoa sigurnosti građana Unsko-sanskog Kantona.

Nezavisni odbor predlaže Skupštini Kantona da usvoji Izvještaj o radu Nezavisnog odbora za period januar – juli 2024.godine.

Broj: 02-12-45-31-4/24
01.08.2024.godine



Predsjedavajuća Nezavisnog odbora
Albijana Trnavci, dipl. pravnik

- Prijedlog -

Na osnovu člana 36. stav (1) tačka g) Zakona o unutrašnjim poslovima Unsko-sanskog kantona („Službeni glasnik Unsko — sanskog kantona“, br. 13/16, 16/17 i 8/24) i člana 96. Poslovnika Skupštine Unsko-sanskog kantona („Službeni glasnik Unsko - sanskog kantona“ broj: 9/17 i 11/21), Skupština Unsko-sanskog Kantona na sjednici održanoj dana .2024. godine, donijela je slijedeći

ZAKLJUČAK

Usvaja se Izvještaj o radu Nezavisnog odbora za period januar – juli 2024. godine.

Broj: 01-0
.2024.godine
Bihać

PREDSJEDAVAJUĆI
SKUPŠTINE UNSKO-SANSKOG KANTONA
Zikrija Duraković